



REPUBLIKA E KOSOVËS-REPUBLIKA KOSOVA-REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

|   |                               |                              |                               |                     |
|---|-------------------------------|------------------------------|-------------------------------|---------------------|
| Planuar / Dorezuar<br>Priljeno/Prodato<br>Received/Delivety | 26.07                         | 2023                         | 3                             | viti<br>god<br>year |
| Organ /Njesia<br>Organ /Jedinica<br>Org./Unit               | Nr Prot<br>Br Prot<br>Prot No | Shtetes<br>Prilg<br>Appendix | Sasia<br>Kolicina<br>Quantity |                     |
| SKAMSHOK  | 5368                          | 2023                         | 118                           |                     |



Republika e Kosovës  
Republika Kosova – Republic of Kosovo

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO**

A.nr.839/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Eshref Shabani-Kryetar, Arben Mehmeti dhe Ardita Haxhnikaj-Demi-anëtarë me Çlirim Zeka-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.839/2023 të datës 13.06.2023 të parashtruar nga ankuesi \_\_\_\_\_ të cilët me autorizim i përfaqëson \_\_\_\_\_ me adresë \_\_\_\_\_

\_\_\_\_\_ kundër Ministrisë së Financave, Punës dhe Transfereve, në çështjen juridike "Kompensim Material", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 26.07.2023, mori këtë:

**V E N D I M**

**I. Refuzohet si e pabazuar ankesa A.nr.839/2023 e datës 13.06.2023 e parashtruar nga ankuesi \_\_\_\_\_**

**II. Mbetet në fuqi Vendimi me Nr. 06/2023 i datës 11.05.2023 të Komisionit për Kushtet e Tregut të Punës i Ministrisë së Financave, Punës dhe Transfereve.**

**A r s y e t i m**

Njësia e Burimeve Njerëzore e Zyrës së Kryeministrit përmes emailit të datës 13.02.2023 i janë drejtuar Drejtorit të Zyrës për Qeverisje të Mirë dhe Drejtorit të Zyrës Ligjore me kërkesë për sqarim nëse neni 7 i Rregullores (MFPT) Nr. 02/2023 për Shtesat për Kushte të Tregut të Punës ka elemente të tejkalimeve ligjore dhe diskriminuese, ndërsa Drejtori i Zyrës për Qeverisje të Mirë në kuadër të Zyrës së Kryeministrit më datë 15.02.2023 ka

njoftuar që në këtë rast kemi trajtim të pafavorshëm dhe të ndryshëm për të punësuar në situata të njëjta.

Drejtori i Zyrës për Qeverisje të Mirë më datë 22.02.2023 përmes emailit i është drejtuar zëvendësuesit të Sekretarit të Përgjithshëm të Ministrisë së Financave, Punës dhe Transfereve për ndërmarrjen e veprimeve për eliminimin e elementeve diskriminuese.

Njësia e Burimeve Njerëzore e Zyrës së Kryeministrit më datë 16.02.2023 ka dërguar propozimet për shtesat për kushtet e treguat të punës për zyrtarët e Zyrës së Kryeministrit tek Komisioni për Kushtet e Tregut të Punës i Ministrisë së Financave, Punës dhe Transfereve, ndërsa më datë 06.03.2023 Komisioni për Kushtet e Tregut të Punës i Ministrisë së Financave, Punës dhe Transfereve ka kërkuar nga Njësia e Burimeve Njerëzore e Zyrës së Kryeministrit të rishikohet lista e dërguar dhe të dërgohen listat e ndara me kategori të cilët ju konsideroni se i plotësojnë kriteret për shtesë, kurse më datë 08.03.2023 nga Njësia e Burimeve Njerëzore e Zyrës së Kryeministrit është dërguar lista e propozimeve për shtesa për kushtet e tregut të punës.

Komisioni për Kushtet e Tregut të Punës i Ministrisë së Financave, Punës dhe Transfereve më datë 07.04.2023 ka bërë publik Njoftimin për të gjitha institucionet se për shkak të volumit të madh të kërkesave shtyhet afati për shqyrtimin e kërkesave, ndërsa përmes emailit të datës 13.04.2023 Njësia e Burimeve Njerëzore e Zyrës së Kryeministrit ka kërkuar nga Komisioni për Kushtet e Tregut të Punës i Ministrisë së Financave, Punës dhe Transfereve vendimin për shtyrje të afatit për vendosje dhe vendimet për shqyrtim të kërkesave individuale, kurse Komisioni për Kushtet e Tregut të Punës i Ministrisë së Financave, Punës dhe Transfereve më datë 27.04.2023 ka njoftuar Njësinë e Burimeve Njerëzore të Zyrës së Kryeministrit se vendimet do të pranohen brenda afateve pas shqyrtimit të Komisionit.

Njësia e Burimeve Njerëzore e Zyrës së Kryeministrit më datë 12.05.2023 ka kërkuar nga Komisioni për Kushtet e Tregut të Punës i Ministrisë së Financave, Punës dhe Transfereve që brenda afateve të dërgohet vendimet për shqyrtimin e kërkesave.

Komisioni për Kushtet e Tregut të Punës i Ministrisë së Financave, Punës dhe Transfereve më datë 11.05.2023 ka nxjerr Vendimin me Nr. 06/2023 për ankuesin

Ankuesi nëpunës civil sipas Akt Emërimit me numër Nr.806/2015 të datës 01.09.2015 i punësuar në pozitën e punës "Zyrtar i Lart për Planifikim të Politikave" në Departamentin për planifikim strategjik në Zyrën e Kryeministrit, më datë 13.06.2023 ka parashtruar ankesë me numër protokolli 4722/2023 në Këshillin e Pavarur Mbikëqyrës për Shërbimin Civil të Kosovës, kundër vendimit me numër Nr.06/2023 të datës 11.05.2023 të Komisionit për Kushtet e Tregut të Punës i Ministrisë së Financave, Punës dhe Transfereve.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr. Nr.02/2018 për Procedurën e Shqyrtimit dhe Vendosjes së Ankesave, me datë 27.06.2023 ankesën e ankuesit e ka dërguar për përgjigje në ankesë në Ministrinë e Financave, Punës dhe Transfereve. Ndërsa Këshilli me datë 17.07.2023 ka pranuar përgjigjen në ankesë nga Ministria e Financave, Punës dhe Transfereve.

**Kolegji për Shqyrtimin dhe Vendosjen e Ankesave me rastin e shqyrtimit të ankesës ka administruar këto prova:** Ankesën me numër protokollit 4722/2023 të datës 13.06.2023 të parashtruar nga ankuesi V.N. në Këshillin e Pavarur Mbikëqyrës për Shërbimin Civil të Kosovës; Vendimin me numër protokollit 211-2/2023 të datës 11.05.2023 të lëshuar nga Komisioni për Kushte të Tregut të Punës të Ministrisë së Financave, Punës dhe Transfereve; Akt emërimit me numër protokollit 806/2015 të datës 01.09.2015 të V.N të lëshuar nga Zyra e Kryeministrit të Republikës së Kosovës; E-mail i datës 15.05.2023 i dërguar nga Personeli.ZKM për V.N; E-mail i datës 12.05.2023 i dërguar nga KKTP MFPT për Personeli.ZKM; E-mail i datës 12.05.2023 i dërguar nga Personeli.ZKM për KKTP MFPT; E-mail i datës 28.04.2023 i dërguar nga Personeli.ZKM për KKTP MFPT; E-mail i datës 27.04.2023 i dërguar nga KKTP MFPT për Personeli.ZKM; E-mail i datës 27.04.2023 i dërguar nga Personeli.ZKM për KKTP MFPT, etj.; E-mail i datës 13.04.2023 i dërguar nga Personeli.ZKM për KKTP MFPT; E-mail i datës 13.04.2023 i dërguar nga M.B. për Personeli.ZKM; E-mail i datës 07.04.2023 i dërguar nga Personeli.ZKM për M.B. etj.; E-mail i datës 07.04.2023 i dërguar nga A.K për N.X; E-mail i datës 07.04.2023 i dërguar nga KKTP MFPT për A.K.; Autorizimin e datës 13.06.2023 të ankuesit V.N për avokatin H.S; Qarkorja me numër protokollit 211-2/2023 e datës 08.02.2023 e lëshuar nga Ministria e Financave, Punës dhe Transfereve; E-mail i datës 12.05.2023 i dërguar nga KKTP MFPT për Personeli ZKM me korrespondim prej faqe 1-6; E-mail i datës 12.05.2023 i dërguar nga Personeli.ZKM për KKTP MFPT me korrespondim prej faqe 1-6; E-mail i datës 28.04.2023 i dërguar nga KKTP MFPT për Personeli.ZKM; Vendimin me numër protokollit 5381/2023 të datës 31.03.2023 të Ministrisë së Financave, Punës dhe Transfereve; Listat e Personelit të ZKM; E-mail i datës 12.05.2023 i dërguar nga Personeli.ZKM për KKTP MFPT me korrespondim prej faqe 1-6; E-mail i datës 28.04.2023 i dërguar nga Personeli.ZKM për KKTP MFPT me korrespondim prej faqe 1-5; E-mail i datës 27.04.2023 i dërguar nga Personeli.ZKM për KKTP MFPT, etj. me korrespondim prej faqe 1-4; E-mail i datës 13.04.2023 i dërguar nga Personeli.ZKM për KKTP MFPT me korrespondim prej faqe 1-2; E-mail i datës 13.04.2023 i dërguar nga M.B për Personeli.ZKM me korrespondim prej faqe 1-3; E-mail i datës 07.04.2023 i dërguar nga Personeli.ZKM për M.B. etj. me korrespondim prej faqe 1-2; E-mail i datës 06.03.2023 i dërguar nga KKTP MFPT për Personeli.ZKM me korrespondim prej faqe 1-4; E-mail i datës 06.03.2023 i dërguar nga Personeli.ZKM për I.C. etj. me korrespondim prej faqe 1-6; E-mail i datës 08.03.2023 i dërguar nga Personeli.ZKM për M.B. etj. me korrespondim prej faqe 1-5; E-mail i datës 08.03.2023 i dërguar nga Personeli.ZKM për KKTP MFPT me korrespondim prej faqe 1-5; E-mail i datës 16.02.2023 i dërguar nga Personeli.ZKM për KKTP MFPT me korrespondim prej faqe 1-3; E-mail i datës 14.02.2023 i dërguar nga Personeli.ZKM për A.L. etj. me korrespondim prej faqe 1-2; E-mail i dërguar nga H.H. për E.S me datë 22.02.2023 me korrespondim prej faqe 1-3; E-mail i datës 15.02.2023 i dërguar

nga H.H. për A.K. me korrespondim prej faqe 1-3; E-mail i datës 13.02.2023 i dërguar nga Personeli.ZKM për H.H. etj. me korrespondim prej faqe 1-2; Kërkesë për përgjigje në ankesë e datës 27.06.2023; E-mail nga C.Z. për O.H. i datës 27.06.2023; Përgjigjen në ankese me numër protokolli 839/2023 të datës 17.07.2023 të Ministrisë së Financave, Punës dhe Transfereve dërguar Këshillit të Pavarur Mbikqyrës për Shërbimin Civil të Kosovës; Kërkesën për shmangie të procedurave me numër protokolli 172/2023 të datës 31.01.2023 të lëshuar nga Ministria i Financave, Punës dhe Transfereve; Aprovim për shmangie të procedurave me numër protokolli 172-1/2023 të datës 31.01.2023 të lëshuar nga Kryeministri i Republikës së Kosovës; Propozimet për shtesa Kushtet e tregut të punës-datë 08.03.2023 të dërguar me e-mail nga Personeli.ZKM për KKTP MFPT me korrespondim prej faqe 1-5; Propozimet për shtesa Kushtet e tregut të punës të dërguar me e-mail të datës 06.03.2023 nga KKTP MFPT për Personeli.ZKM me korrespondim prej faqe 1-4; E-mail i datës 03.07.2023 nga C.Z për N.X; E-mail i datës 03.07.2023 nga O.D për KKTP MFPT etj.;

Kolegji për Shqyrtimin dhe Vendosjen e Ankesave, për vendosjen e kësaj çështje ka shqyrtuar të gjitha shkresat e lëndës të parashtruara nga palët dhe ka konstatuar se ankesa e ankuesit, është e pabazuar, sepse:

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, pretendonë se gjatë këtij procesi ka pasur shkelje ligjore dhe procedurale, ngase me nenin 7 të Rregullores (MFPT) Nr. 02/2023 për Shtesat për Kushte të Tregut të Punës, në kuadër të shtesave janë përfshirë vetëm të punësuarit që kanë kryer studimet e nivelit të dytë të arsimit të lartë në programet studimore të financuar apo të bashke financuara e që është diskriminuese ndaj të punësuarve të tjerë, duke kërkuar që ankesa e ankuesve të aprovohet si e bazuar të shfuqizohet neni 4 paragrafi 4 nën paragrafi 4.3 dhe neni 7 i Rregullores (MFPT) Nr. 02/2023 për Shtesat për Kushte të Tregut të Punës, të anulohen plotësisht vendimet e Komisionit për Kushtet e Tregut të Punës i Ministrisë së Financave, Punës dhe Transfereve dhe të obligohet Ministria e Financave, Punës dhe Transfereve që ankuesit t'i njihet e drejta e kompensimit në shtesë për kushtet tregut në mënyrë retroaktive nga data 31.03.2023.

Kuvendi i Republikës së Kosovës, me datë 22.12.2022 ka aprovuar Ligjin Nr.08/L-196 për Pagat në Sektorin Publik, i cili me datë 05.01.2023 është publikuar në Gazetën Zyrtare të Republikës së Kosovës Nr.1/5 Janar 2023, dhe si rrjedhojë i njëjti ka hyrë në fuqi me datë 05.02.2023, ku qëllimi i këtij ligji është që të krijojë një sistem të njëtrajtshëm të pagave në sektorin publik që përfshin parimet dhe rregullat për përcaktim të pagës në sektorin publik si dhe të krijojë një sistem të pagave dhe shpërblimeve, transparent dhe të menaxhueshëm ku elementi kryesor është paga bazë, si rrjedhojë sipas nenit 3 paragrafi 1 nën paragrafi 1.12 të Ligjit Nr.08/L-196 për Pagat në Sektorin Publik, është përcaktuar se: "1. Shprehjet, termat dhe shkurtesat e përdorura në këtë ligj kanë këtë kuptim: 1.12. shtesë page apo shtesë - nënkupton komponentin e pagës që i shtohet pagës bazë dhe që synon të shpërblejë punën për kushte të vështira, sektorë apo specializime të veçanta dhe që nuk shpërblehet nga paga bazë. Shtesa e pagës mund të jetë e rregullt, kur përfitohet për çdo muaj apo e parregullt kur shpërblehet sipas rastit në bazë të këtij ligji", kurse lidhur me sistemin e pagave sipas këtij

ligji aplikohen parimet e përcaktuar me nenin 4, respektivisht parimin e barazisë dhe mos-diskriminimit, ku përcakton se: *"1.4. parimi i barazisë dhe mos-diskriminimit – nënkupton që secili, pa kurrëfarë diskriminimi, ka të drejtë që për punë të barabartë të marrë pagë të barabartë, duke marrë parasysh natyrën e punës, kërkesat për vendin e punës, institucionin ku ushtrohet detyra si dhe kualifikimin"*.

Përveç përcaktimit të pagës bazë për nëpunësit civil, Ligji Nr.08/L-196 për Pagat në Sektorin Publik ka përcaktuar shtesat dhe kompensimet, respektivisht me nenin 22 janë përcaktuar llojet e shtesave që mund të aplikohen sipas këtij ligji si: *"1. Shtesat që mund përfitohen në bazë të këtij ligji janë: 1.1. shtesa e veçantë për të zgjedhurat/it; 1.2. shtesa për kushte tregu të punës; 1.3. shtesa e performancës; 1.4. shtesa për kushte specifike të punës; 1.5. shtesa për punën pa orar të paracaktuar; 1.6. shtesa për vëllimin e punës; 1.7. shtesa për licencë të avancuar për nëpunësen/in e arsimit para universitar; 1.8. shtesa për nëpunësen/in e sistemit shëndetësor; 1.9. shtesa e performancës për krijuesen/in dhe performuesen/in e artit dhe kulturës; 1.10. shtesa funksionale"*, si rrjedhojë meqenëse në këtë çështje juridike-administrative kemi të bëjmë me *shtesat për kushte tregu të punës*, Kolegji i Këshillit, konstaton se me nenin 24 të Ligjit Nr.08/L-196 për Pagat në Sektorin Publik, janë përcaktuar se shtesa për kushte të tregut të punës përfitohet për profesione të nevojshme, në pozita të caktuara profesionale deficitare të shërbimit civil dhe shërbimit publik, ku rekrutimi apo mbajtja e nëpunësve/ve në këto profesione dhe/apo pozita objektivisht është e pamundur, ndërsa vlera dhe procedura për përfitimin të këtyre shtesave miratohen me akt nënligjor nga ministria përgjegjëse për financa.

Ndërlidhur me këtë, Ministria e Financave, Punës dhe Transfereve, më datë 07.02.2023 ka publikuar Rregulloren (MFPT) Nr. 02/2023 për Shtesat për Kushte të Tregut të Punës përmes të cilës përcaktohen profesionet, kushtet dhe procedurat për përfitimin e shtesës për kushte të tregut të punës, ndërsa profesionet për të cilat mund të përfitohet shtesa për kushte të tregut të punës janë përcaktuar me nenin 4 paragrafi 4 të kësaj rregulloreje, ku përcaktohet se: *"4. Profesionet për të cilat mund të përfitohet shtesa për kushte të tregut të punës janë: 4.1.profesionet deficitare në fushën e teknologjisë informative; 4.2. profesionet deficitare në fushën e aviacionit dhe navigimit ajror; 4.3.profesionet nga programet studimore të financuara ose bashkë-financuara nga Qeveria e Republikës së Kosovës; 4.4.specialistët shëndetësor në profesione deficitare, ashtu siç përcaktohen nga ministria përkatëse për shëndetësi; si dhe 4.5.pozita tjera të caktuara profesionale deficitare të shërbimit civil dhe shërbimit publik, ku rekrutimi apo mbajtja e nëpunësve/ve me pagat e rregullta në këto profesione dhe/apo pozita objektivisht është e pamundur"*. Neni 7 i Rregullores (MFPT) Nr. 02/2023 për Shtesat për Kushte të Tregut të Punës, lidhur me shtesat për kushte të tregut të punës për profesionet nga programet studimore të financuara ose bashkë financuara nga Qeveria e Republikës së Kosovës ka përcaktuar se për të përfituar këtë shtesë duhet kumulativisht të plotësohen këto kushte: *2.1. programi i studimeve të nivelit të dytë të arsimit të lartë të jetë i financiar ose bashkë-financuar nga Qeveria e Kosovës; 2.2.të kenë të përfunduar studimet e nivelit të dytë të arsimit të lartë në universitete jashtë vendit; 2.3. të kenë vlerësim të performancës mbi notën "mirë"; dhe 2.4.të mos ketë masë disiplinore aktive për shkelje të rënda.*

Në kuadër të kësaj rregulloreje, Ministri i Ministrisë së Financave, Punës dhe Transfereve më datë 31.03.2023 ka nxjerr Vendim me Nr.18 përmes të cilit është aprovuar rekomandimi i Komisionit për Kushtet e Tregut të Punës për programin studimor të bashkë-financuar nga Bashkimi Evropian dhe Qeveria e Republikës së Kosovës, "Skema e Profesionistëve të Rinj" (Young Cell Scheme-YCS) duke u përcaktuar që shuma e shtesës së tregut të punë për të punësuar në vitin e tretë të obligimit është dyqind euro (200), ndërsa për të punësuar pas vitit të tretë të obligimit, dyqind e pesëdhjetë euro (250).

Ndërlidhur me të gjitha këto, Kolegji i Këshillit, sa i përket pretendimit ankimor të ankuesit që të shfuqizohet neni 4 paragrafi 4 nën paragrafi 4.3 dhe neni 7 i Rregullores (MFPT) Nr. 02/2023 për Shtesat për Kushte të Tregut të Punës, ju referua Aktgjykimin në rastin nr. KI10/22 të datës 15.08.2022 të Gjykatës Kushtetuese të Republikës së Kosovës lidhur me kërkesën e parashtruar nga Sindikata e Institutit të Mjekësisë Ligjore lidhur me vlerësimin e kushtetutshmërisë së Aktgjykimin ARJ.nr.115/2021 të datës 18.11.2021 të Gjykatës Supreme të Kosovës e që ndërlidhet me vlerësimin e ligjshmërisë së Rregullores MD-Nr. 01/2020 për Organizmin e Brendshëm dhe Sistematizimin e Institutit të Mjekësisë Ligjore.

Kolegji i Këshillit, konstaton se sipas Aktgjykimin në rastin nr. KI10/22 të datës 15.08.2022 të Gjykatës Kushtetuese të Republikës së Kosovës, respektivisht me nenin 75 të tij, thuhet se: *"...në këndvështrimin e Gjykatës konstatohet se ekziston një pozicion i qarëe në kuptim të funksioneve të gjyqësorit të rregullt dhe atij kushtetues: i pari kujdeset për ruajtjen e supremacisë juridike të ligjit, përkatësisht përputhshmërisë se akteve nënligjore me ligjin ndërsa i dyti për ruajtjen e supremacisë juridike të kushtetutës, përmes kontrollit të kushtetutshmërisë së ligjeve dhe akteve nënligjore me Kushtetutën sipas mënyrës se përcaktuar me Kushtetute, në nenin 77 theksohet se: "Në anën tjetër, Gjykata në baze të nenit 113.7 e ve në funksion juridiksionin e saj rishikues dhe subsidiar për të gjitha kërkesat individuale mbi respektimin e të drejtave kushtetuese, të cilat kanë si objekt kontesti edhe aktet nënligjore normative. Juridiksioni rishikues si i tillë aktivizohet pas shterimit të mjeteve juridike. Sipas këndvështrimit të Gjykatës, kufiri ku fillon dhe ku mbaron juridiksioni i kontrollit gjyqësor ndaj akteve nënligjore normative dhe ku fillon juridiksioni i Gjykatës Kushtetuese është i mirëpërcaktuar kur bëhet fjalë për ushtrimin e juridiksionit subsidiar (rishikues) të Gjykatës. Në këtë drejtim, pasi që parashtruesit e kërkesës të kenë marrë përgjigje përfundimtare nga gjykatat e rregullta, mbi bazën e padisë së tyre mbi kontestin e tyre ndaj ligjshmërisë së aktit nënligjor normativ, atëherë ata legjitimohen që pretendimet për cenimin e të drejtave dhe lirive themelore t'i artikulojnë në ankimin individual kushtetues, me nenin 79 është përcaktuar se: "Rrjedhimisht, Gjykata në vijim e vë theksin edhe tek studimi i Komisionit të Venedikut i cili vlerëson se në lidhje me llojet e normave që mund të paraqiten për vlerësim kushtetues, gjykata kushtetuese duhet të jete e ngarkuar vetëm me verifikimin e kushtetutshmërisë se akteve ligjore, duke ua lënë në parim kontrollin e akteve nënligjore gjykatave të zakonshme, në mënyrë që të shmangin mbingarkimin e 18 saj. (shih studimin nr. 538/2009 [CDL-AD(2010)039rev.] mbi qasjen individuale në gjyqësinë kushtetuese, miratuar nga Komisioni i Venedikut në sesionin e 85-te (17-18 dhjetor 2010), paragrafi 6)", me nenin 80 është përcaktuar se: "Prandaj, bazuar nga si me sipër, Gjykata konstaton se gjykatat e rregullta të sistemit juridik të Kosovës, duke mos bërë kontrollin e ligjshmërisë së Rregullores së IML-se me nenin 15 të Ligjit për Mjekësinë Ligjore, parashtruesit të kërkesës ia mohuan të drejtën*

e "qasjes ne gjykate" ne kuptim te paragrafit 1 te nenit 31 te Kushtetutes ne lidhje me paragrafin 1 te nenit 6 te KEDNJ-se; dhe per pasojë pamundësuan që rasti i parashtruesve të kërkesës të shqyrtohet në meritat e kërkesës". Si përfundim, Gjykata Kushtetuese e Republikës së Kosovës, sipas këtij aktgjykimi, sipas nenit 88 thuhet se: "Gjykata, pas elaborimit dhe shqyrtimit të procedurës së zhvilluar dhe arsyetimit të vendimeve të gjykatave të rregullta, konstatoi se: (i) ekziston një pozicion i qartë në kuptim të funksioneve të gjyqësorit të rregullt dhe atij kushtetues: i pari kujdeset për ruajtjen e supremacise juridike të ligjit, përkatësisht përputhshmërisë se akteve nënligjore me ligjin ndërsa i dyti për ruajtjen e supremacise juridike të kushtetutës, përmes kontrollit të kushtetutshmërisë se ligjeve dhe akteve nënligjore me Kushtetutën sipas mënyrës së përcaktuar me Kushtetute; dhe (ii) gjykatat e rregullta të sistemit juridik të Kosovës, duke mos bërë kontrollin e ligjshmërisë së Rregullores së IML-se me nenin 15 të Ligjit për Mjekësinë Ligjore, parashtruesit të kërkesës ia mohuan të drejtën e "qasjes ne gjykate" ne kuptim te paragrafit 1 te nenit 31 të Kushtetutës në lidhje me paragrafin 1 të nenit 6 të KEDNJ-se; dhe për pasojë pamundësuan që rasti i parashtruesve të kërkesës të shqyrtohet në meritat e kërkesës. Ndërsa sipas dispozitivit të këtij aktgjykimi respektivisht sipas pikës III është vendosur: **TË SHPALLË** të pavlefshëm, Aktgjykimin [AR].nr. 115/2021] të 18 nëntorit 2021, të Gjykatës Supreme të Kosovës, Aktvendimin [AA.nr.651/2021] e 6 gushtit 2021, të Gjykatës së Apelit, si dhe Aktvendimin [A.nr. 1430/21] e 5 korrikut 2021 të Gjykatës Themelore ne Prishtine dhe sipas pikës IV. **TË KTHEJË**, për rishqyrtim Aktvendimin [A.nr. 1430/21] e 5 korrikut 2021 të Gjykatës Themelore, në pajtim me Aktgjykimin e kësaj Gjykate.

Kolegji i Këshillit, nga konstatimet si më lartë, konstaton se Këshilli i Pavarur Mbikëqyrës për Shërbimin Civil të Kosovës është institucion i cili ka për qëllim sigurimin e respektimit të rregullave dhe parimeve që rregullojnë shërbimin civil, rrjedhimisht Këshilli i Pavarur Mbikëqyrës për Shërbimin Civil të Kosovës nuk është institucion kompetent të bëjë mbikëqyrjen nëse aktet nënligjore janë në pajtueshmëri me ligjet e aplikueshme dhe mënyrën e miratimit të tyre, kështu që ankuesi ndaj këtij pretendimi mund të drejtohen në gjykatat e rregullta.

Duke marrë parasysh konstatimet e cekura me lartë, dhe duke marr për bazë që Rregullorja (MFPT) Nr. 02/2023 për Shtesat për Kushte të Tregut të Punës është në fuqi, atëherë edhe vendimi i kontestuar me këtë ankesë si: Vendimi me Nr. 06/2023 i datës 11.05.2023, të Komisionit për Kushte të Tregut të Punës i Ministrisë së Financave, Punës dhe Transfereve, janë nxjerr në kuptim të dispozitave të kësaj rregulloreje, si rrjedhojë Kolegji i Këshillit, konstaton se ankuesi nuk ka ofruar dëshmi të mjaftueshme se të njëjtit plotësojnë kushte të përcaktuara me nenin 7 paragrafi 2 të Rregullores (MFPT) Nr. 02/2023 për Shtesat për Kushte të Tregut të Punës, kështu që pretendimet e ankuesit për anulimin e këtij vendimi janë të pabazuara.

Andaj bazuar në këto rrethana, Kolegji për Shqyrtimin dhe Vendosjen e Ankesave pas analizimit dhe vlerësimit të të gjitha shkresave të lëndës dhe provave të ofruara nga palët, duke u bazuar në kompetencën e Këshillit dhe duke u bazuar në nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi ditën e nënshkrimit nga Kryetarja e Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë -Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda, A.nr.839/2023

Çlirim Zeka  
  
Procesmbajtës

  
Eshref Shabani  
  
Kryetar i Kolegjit

**Vendimi i dërgohet:**

- Përfaqësuesit të ankuesit
- Sekretarit të Përgjithshëm të Ministrisë së Financave, Punës dhe Transfereve;
- Sekretarit të Përgjithshëm të Zyrës së Kryeministrit;
- Arkivit të KPMSHCK-së